



Broj: JN-1-16-3-33-3/21

Mostar, 14.12.2021.

Na osnovu člana 56. Zakona o hrani („Službeni glasnik BiH“, broj 50/04), člana 87 stav (3) Zakona o javnim nabavkama („Službeni glasnik BiH“, broj 39/14), člana 5. stav (2) tačka b) Pravilnika o postupku direktnog sporazuma („Službeni glasnik BiH“, broj 90/14), člana 8. Pravilnika o postupku direktnog sporazuma Agencije za sigurnost hrane Bosne i Hercegovine (broj: 01-02-3-487-1/20 od 30.04.2020. godine), direktor Agencije za sigurnost hrane Bosne i Hercegovine, donosi:

## **O D L U K U**

### **o prihvatanju prijedloga cijene za usluge interneta (govorne telefonske usluge i ADSL/VDSL pristupa internetu)**

#### **I**

Ovom Odlukom prihvata se prijedlog cijene za usluge interneta (govorne telefonske usluge i ADSL/VDSL pristupa internetu) dobavljača JP HT d.d. Mostar (paket Duo Office Ekstra fiber i statička IP adresa), radi omogućavanja tehničkih zahtjeva za informacioni sistem u sklopu aktivnosti projekta IPA 2018.

#### **II**

Nakon što dobavljač omogući korištenje usluge iz tačke I ove Odluke, potpisati će se Ugovor sa istim na period 12 mjeseci.

Ukupan mjesečni iznos za navedene usluge iznosi 315,90 KM sa PDV-om, odnosno 270,00 bez PDV-a (mjesečni iznos sastoji se: Duo office extra fiber u iznosu 138,06 KM, statička IP adresu u iznosu 175,50 KM, priključak za pristup internetu 1,17 KM i najam uređaja za paket 1,17 KM. Navedene cijene su sa PDV-om).

Na godišnjem nivou vrijednost usluge iznosi 3.790,80 KM sa PDV-om a bez PDV-a 3.240,00 KM.

Plaćanje navedene usluge realizuje se po ispostavljenim mjesečnim fakturama dobavljača.

#### **III**

Finansijska sredstva, za navedene usluge osigurana su na ekonomskom kodu 613213. Oznaka i naziv iz JRJN 72400000-4 - Usluge interneta.

#### **IV**

Izveštaj o provedenom postupku javne nabavke objavititi u informacionom sistemu „E-nabavke“ na način i u skladu sa Uputstvom o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“ („Službeni glasnik BiH“, br. 90/14 i 53/15).

#### **V**

Ova Odluka stupa na snagu danom donošenja.

### Образложење

Postupak nabavke proveden je putem direktnog sporazuma. Shodno Odluci o pokretanju nabavke procjenjena vrijednost nabavke je 3.400,00 KM bez PDV-a.

Iz razloga realizacije komponente projekta IPA 2018 EU „Podrška EU ICT opreme za jačanje kapaciteta u sektoru sigurnosti hrane, veterinarskom i fitosanitarnom u BiH” - LOT 1 stavka 1.8 Informacioni sistem sigurnosti hrane (FSIS), ukazala se potreba za promjenu paketa pristupu internetu na način da se omogući pristup internetu putem optičkog kabla, a iz razloga tehničkih zahtjeva u pogledu dostupnosti navedenog informacionog sistema.

Agencija za sigurnost hrane Bosne i Hercegovine zatražila je od JP HT d.d. Mostar prijedlog cijene za Duo Office Ekstra fiber paket, dodijelu statičke IP adrese najam uređaja za paket i priključak za pristup internetu za realizaciju paketa. U skladu sa navedenim upućen je e-mail na kontakt u JP HT d.d. Mostar, i zaprimljen je prijedlog cijene i to za Duo office extra fiber u iznosu 138,06 KM, statička IP adresu u iznosu 175,50 KM, priključak za pristup internetu 1,17 KM i najam uređaja za paket 1,17 KM. Navedene cijene su sa PDV-om. Ukupno bi mjesečni iznos za navedene usluge iznosio 315,90 KM sa PDV-om, odnosno 270,00 bez PDV-a. Na godišnjem nivou vrijednost usluge interneta iznosila bi 3.790,80 KM sa PDV-om a bez PDV-a 3.240,00 KM.

U skladu sa članom 87 stav (3) Zakona o javnim nabavkama („Službeni glasnik BiH“, broj 39/14) i odredbama Pravilnika o postupku direktnog sporazuma („Službeni glasnik BiH“, broj 90/14), a shodno naprijed navedenom donošenjem ove Odluke prihvaćen je prijedlog zadužene osobe za pripremu i provođenje postupka direktnog sporazuma.

**Pouka o pravnom lijeku:** U postupku direktnog sporazuma nije dozvoljena žalba.

**DIREKTOR**

Dr.sci. Džemil Hajrić, s.r.

*Dostaviti:*

- JP HT d.d. Mostar
- web stranica,
- Sektor 02,
- a/a

